

Համայնքի ավագանու 15.02.2024թ.

Թիվ 016-Ա որոշման

2023թվականի Տարեկան աշխատանքային պլանի կատարման հաշվետվություն

Ավագանու հարգարժան անդամներ, հարգելի ներկաներ,

Ձեր ուկնդրությանն են ներկայացնում 2023թվականի աշխատանքային տարում իրականացրած և տարեկան աշխատանքային պլանում ներառված աշխատանքների մասին ամփոփ տեղեկատվությունը:

2023թվականին ՀՀ Կառավարության կողմից հաստատվել և իրականացվել են հետևյալ սուբվենցիոն ծրագրերը ըստ ոլորտների

1. Խմելու ջրամատակարարման համակարգի կառուցում ոլորտ՝

հիմնանորոգվել, կառուցվել են կապտաժներ, ջրագծեր Խաչիկ բնակավայրում, ընթացքի մեջ է Ելփին բնակավայրում «Դիդիվան» ջրաղբյուրի կապտաժի կառուցման աշխատանքները: Ծրագրի ընդհանուր արժեքը՝ 46.000.000դրամ է, համայնքի ներդրումը՝ 13.800.000դրամ:

«Սյունիք զարգացում» ՀԿ-ի ենթադրամաշնորհային ծրագրով և «Արմավիրի զարգացում» ՀԿ-ի համաներդրմամբ կառուցվել է 1500գծմ խմելու ջրագիծ Ելփին բնակավայրում:

2. Ոռոգման համակարգի կառուցում ոլորտ՝

Արենի բնակավայրում՝ «Խաչի տակ» թաղամասում ոռոգման ջրի մղիչ պոմպի կառուցում: Ծրագրի ընդհանուր արժեքը՝ 36.149.090 դրամ է, համայնքի ներդրումը՝ 10.844.727 դրամ: Սուբվենցիայով պետք է կառուցվեր ոռոգման ջրագիծ Աղավնաձոր բնակավայրում, սակայն շինարարի հետ որոշակի խնդիրների պատճառով տեղափոխվել է 2024թվական:

3. Փողոցների կառուցում/ նորոգում ոլորտ՝

Ավարտվել են փողոցների հիմնանորոգման աշխատանքները Աղավնաձոր և Արփի բնակավայրերում: Ծրագրի ընդհանուր արժեքը՝ 191,500,000 դրամ է, համայնքի ներդրումը՝ 105,325,000դրամ:

«Արենի » կոմունալ- սպասարկման ՀՈԱԿ-ով իրականացվել են բոլոր բնակավայրերում հանդամիջյան ճանապարհների բարեկարգման և ներբնակավայրային երկրորդական փողոցների խճապատման աշխատանքներ:

4. Նախադպրոցական կրթության ապահովում -

Կազմակերպվել և իրականացվել են Ագարակաձոր, Աղավնաձոր, Արփի և Ռինդ բնակավայրերում մանկապարտեզների գործունեությունը, որտեղ հաճախել են նաև Արենի, Ելփին և Չիվա բնակավայրերից երեխաներ: Բարեգործությամբ մանկապարտեզի

կառուցման աշխատանքներ են մեկնարկվել Արենի բնակավայրումև սուբվենցիոն ծրագրով Ելփին բնակավայրում:

5. Արտադարոցական կրթության ապահովում- Կազմակերպվել և իրականացվել են արտադարոցական կրթություն Աղավնաձոր բնակավայրում, ինչպես նաև մեկնարկվել է արտադարոցական կրթության մատուցում բոլոր բնակավայրերում շրջիկ ավտոբուսի միջոցով:

6. Կրթություն, մշակույթի և երիտասարդների հետ տարվող աշխատանքների բնագավառ՝

Կազմակերպվել են մշակութային միջոցառումներ կապված ազգային տոների, հիշատակի օրերի հետ : Այս բնագավառում՝ Երկրում ստեղծված իրավիճակի պատճառով չեղարկվեցին գաթայի և գինու փառատոնները:

Կազմակերպվել են ամառային ճամբարներ դարոցահասակ երեխաների համար բոլոր բնակավայրերում, երիտասարդական հավաքներ :

7. Սոցիալական պաշտպանության բնագավառ՝

2023թվականին դրամական օգնություն է տրվել 72 ընտանիքի 2.610.000 ՀՀ դրամ , ամանորյա միջոցառումներ կազմակերպելու և ընտանիքներին անհատապես շնորհավորելու նպատակով ամանորյա փաթեթներ է տրվել ընտանիքի, պատերազմում զոհված կամ վիրավորում ստացած անդամ ունեող ընտանիքներին, վառելափայտ է տրամադրվել 11 ընտանիքի, զիջվել՝ մանկապարտեզ հաճախող երեխայի ծնողական մուծում: Կազմակերպվել և իրականացվել են բազմաբնյութ աջակցություն Արցախից բռնի տեղահանված ընտանիքներին, մասնավորապես համայնքում իրականացվող դրամաշնորհային ներգրավման միջոցներից գնվել է 11 տոննա քարածուխ և բաշխվել համայնքում բնակություն հաստատած ընտանիքներին:

Աշխատանքները առավել բազմաբնյութ են և լուծում են տրվել ցանկացած պահի ստեղծված խնդիրներին՝ օգտագործելով համայնքի կարողությունները, միջազգային կազմակերպությունների, անհատ ձեռնարկատերերի և մասնավոր հատվածի ներդրումները:

8. Համայնքում մեկնարկվել և ընթացքի մեջ է 250000 եվրո-ընդհանուր բյուջեով դրամաշնորհային ծրագիր, որը միտված է տուրիզմի զարգացմանը:

9. Համայնքի առջև դրված խնդիրները լուծելու համար մշտական աշխատանքներ են տարվել համայնքի բյուջեի մուքերը ամբողջովին կատարելու համար:

2023թվականի բյուջեն կատարվել է 104,1 տոկոսով:



Աշխատակազմի քարտուղար՝

Գ. Սիմոնյան